

Մթարը շողում է

Ջեյն ՄաքՔրայդ

Հիմնված է իրական պատմության վրա

«Հանելի է ձեզ հետ լինել այստեղ Երեխաների խմբում» (Երեխաների երգարան, 254):

Մթարը քաշքշում էր իր զգեստը: Այնուամենայնիվ նրա համար տարօրինակ էր եկեղեցում զգեստ կրելը: Իր հին եկեղեցում կիրակի օրը աղջիկները հագնում էին տաքատ կամ կիսավարտիք: Բայց ոչ իր նոր եկեղեցում: Նա և իր մայրը հենց նոր էին մկրտվել Հիսուս Քրիստոսի Վերջին Օրերի Սրբերի եկեղեցում:

Մթարը հառաչեց, երբ նայեց հայելու մեջ: Քանի որ առաջին անգամն էր որպես պաշտոնական անդամ եկեղեցի գնում, նա հուզված էր և անհանգիստ: Նախկինում նա ամբողջ ժամանակ եկեղեցում մայրիկի հետ էր մնում: Բայց այս անգամ նա գնում էր Երեխաների խումբ:

Մթարը կկոցեց աչքերը՝ նայելով իր արտացոլանքին: Իսկ ի՞նչ կլիներ, եթե չհարմարվեր: Ի՞նչ կլիներ, եթե ինքը դուր չգար մյուս երեխաներին:

«Մթա՛ր: Դու պատրա՞ստ ես»: Կանչեց մայրը:



Մթարը վայր իջավ աստիճաններով: «Տեսքս լա՞վ է, նա հարցրեց:

Մայրը ժպտաց: «Դու գեղեցիկ տեսք ունես»:

Մթարը ծամածռեց դեմքը: «Դու ստիպված ես այդպես ասում: Դու իմ մայրիկն ես»:

«Դու իրավացի ես: Ես իսկապես պետք է ասեմ այդ: Որովհետև դա ճիշտ է»:

Մթարը թույլ ժպտաց: Մայրիկը միշտ ինչ-որ ձևով ստիպում էր նրան ավելի լավ զգալ: Բայց նրա մեջ դեռևս կասկածներ

կային: Ի՞նչ կլիներ, եթե երեխաներից ոչ մեկը չցանկանար խոսել իր հետ: Նա ընկերներ ուներ դպրոցում, բայց նրանք իր նոր եկեղեցու անդամները չէին: Նա կցանկանար, որ գոնե մի ընկեր իր հետ եկեղեցի գար:

«Հենց նոր մի բան հիշեցի, որ պիտի անեմ», ասաց նա իր մայրիկին:

Նա աստիճաններով վերև վազեց և ծնկի իջավ մահճակալի կողքին: «Մի րեղի Երկնային Հայր, խնդրում եմ, օգնիր ինձ ընկերներ գտնել: Ես հավատում եմ, որ այն, ինչ միտքներն են ուսուցանեցին, ճշմարիտ է, բայց ես վախենում եմ»:

Մթարը մնաց ծնկի իջած և սկսեց լսել: Մի պահ անց նա զգաց մի քաղցր, խաղաղ զգացում և այլևս այնքան էլ անհանգիստ չէր:

Եկեղեցում Մթարը և մայրիկը նստեցին երեք փոքրիկ աղջիկներ ունեցող մի ընտանիքի հետ: Ծնողները ծանոթացան միմյանց հետ և մայրիկի հետ սկսեցին զրուցել մինչև ժողովի սկսվելը: Մթարն օգնեց աղջիկներին գունագարդել Հիսուսի նկարը:

Եպիսկոպոս Անդրյուսը մոտեցավ նրանց: «Քույր Քանինգհամ: Մթար: Ուրախ եմ ձեզ տեսնել այսօր»: Նա ջերմորեն ժպտաց նրանցից յուրաքանչյուրին և սեղմեց նրանց ձեռքը: Մթարը մոռացել էր, թե բոլորն ինչքան սիրալիք էին եկեղեցում: Գուցեն, ի վերջո, նա կարողանար ընկերանալ ինչ-որ մեկի հետ:

Հաղորդության ժողովից հետո Մթարը գնաց Երեխաների խումբ: Երբ նստում էր, նա մի անհանգիստ հայացք ձգեց մյուս երեխաների վրա: Նրանք խոսում էին միմյանց հետ և, թվում էր, չնկատեցին նրան: Մթարի սիրտը նվաղեց: Ի վերջո, նա կարող էր և մենակ նստել:

Հենց այդ պահին Մթարի հասակակից մի աղջիկ ներս մտավ սենյակ: «Նա էլ է անհանգիստ», մտածեց Մթարը: «Ես կարող եմ գնալ և խոսել նրա հետ»:

Մթարը խորը շունչ քաշեց, ապա քայլեց դեպի աղջիկը: «Ողջույն, իմ անունը Մթար է: Ես նորեկ եմ: Կցանկանայի՞ք նստել իմ կողքին: Մթարը պահեց շունչը: Արդյո՞ք աղջիկը կկամենար լինել իր ընկերուհին:

Աղջկա դեմքին կիսաժպիտ հայտնվեց: «Ես Մառան եմ: Ես էլ եմ նորեկ: Իմ ընտանիքը հենց նոր է տեղափոխվել Օնտարիոյից»:



«Մայրիկս և ես երկու շաբաթ առաջ ենք մկրտվել», ասաց Մթարը: «Կստան հչմ, թե ինչ պետք է անեմ»:

Մառայի ժպիտը լայնացավ: «Մենք միասին գլուխ կհանենք այդ ամենից»:

Մթարը և Մառան նստեցին իրենց դասարանի հետ: Երբեմն Մթարը բռնում էր Մառայի հայացքը և ժպտում: Մառան պատասխանում էր ժպիտով: Մթարը հանգիստ և երջանիկ էր զգում: Նա գիտեր, որ Երկնային Հայրը պատասխանել էր իր աղոթքին և օգնել էր իրեն ընկեր գտնել:

Դասարանում ուսուցիչը խնդրեց Մթարին և Մառային ներկայանալ:

Մթարը ոտքի կանգնեց: «Իմ անունը Մթար Քանինգհամ է: Մայրս և ես մկրտվեցինք երկու շաբաթ առաջ: Նա կանգ առավ և մի ժպիտ փայլեց նրա դեմքին, երբ նայեց իր նոր ընկերուհուն: «Իսկ սա իմ ընկերուհի Մառան է»: ■

Հեղինակն ապրում է Կոլորադոյում (ԱՄՆ):

ՄՏԱԾԵՔ ԱՅՂ ՄԱՍԻՆ

Ինչպե՞ս կարող եք ողջունել որևէ մեկին, ով նոր անդամ է եկեղեցում: